



T 3205/1129.83

14











UNIVERSITY OF TORONTO LIBRARY  
130 St. George Street  
Toronto, Ontario  
M5S 1A5

孟氏周九恒妻廣氏增廣生即本朝奉憲

劉妻俱雍正四年 旌表

國氏長岸生盧德壽二十九年 旌表

自昔節三十五年

齊氏與李王環妻二十五其苦守四歲 旌表

慈方操持以禮婢妾有不法子長亦不失母

教

章氏夫學王錫位妻年十九夫亡無子止一女勵志

端之性端重節年數歲法高特二十餘年水



孟氏周允恒妻盧氏增廣生即承周妻

谷佛大學藏  
圖書印

繼妻俱雍正四年 旌表

顧氏長庠生盧裕繼妻二十九寡生一子歿水孀矢

守苦節三十五年

曹氏彞亭王琛妻二十五寡苦守四歲孤被僮茹淡

悉力操作耕奴織婢楚楚有家法子長亦不失母

教

章氏太學王錫位妻年十九夫亡無子止一女勵志

撫之性端重御家嚴肅禮法獨特二十餘年米糝



元利縣志 卷二十一 列女

貞女謝氏孝廉有輝女也年十六許字顧長源未嫁而源卒時年十八以從一自矢毀容釋綵隨計奔喪成服守節姑聞其志將析田二十畝爲薪水資氏不受曰翁夫未葬留以營窆寔可也長洲學博倪典學重其行爲作讓田記

朱氏張在鈞妻二十八寡無子深識大體矢志守節嗣季房姪辛勤撫教迄有成立

徐氏陳樹琳妻十八歸陳四年寡上事孀姑下撫嗣

子三十餘年貞操如一郡守給獎曰孝慈完節

郁氏貞豐里人年二十一嫁蔡日章五年日章死子生一歲勵節撫孤未幾邁回祿家業蕩然舅姑老病紡績侍食及歿勉力喪葬能中禮節荼苦三十餘年卒

王氏洪洞縣知縣芝女適國學顧行爲室九載夫亡年二十七時孤子達甫六歲氏辛勤鞠育期以讀書立品後孤修潔自好爲庠序中有守士體母教也氏寡居後茹齋衣縞足不踰闕者垂四十年稱



完節焉乾隆三年旌表時年六十有五

許氏文軌妻年二十二寡孝事翁及庶姑辛勤艱苦撫子永年成立世有賢節婦稱

陸氏孫憲得妻程氏吳仁德妻雍正四年詳具題旌表

黃氏生員朱鑽妻嚴氏監生胡聰妻雍正七年詳具題旌表

王氏唐宗商妻貞女戴氏程之俊聘妻雍正八年詳具題旌表

毛氏生員仰天植妻婚七載生二子一女夫卒年二十八織紉以養翁姑恩勤以育幼稚翁姑病躬親湯藥歿後殯葬合禮訓子女成立女適朱之勸長子鼎玉娶于郎婚五年鼎玉死郎僅二十三歲撫棺長號誓不欲生毛諭撫孤爲重郎銜哀強忍姑病籲天請代卒後喪葬力任不委諸叔氏人稱其賢雍正九年旌表

周氏邱志道妻裴氏監生張宏度妻傅氏生員張俊德妻戴氏周祥發妻顧氏朱宏緒妻張氏施玉鑑



妻樂氏宋淵妻嚴氏顧廷正妻葛氏黃辰銑妻俱  
雍正九年詳具題 旌表

黃氏陳又遵妻馮氏生員胡士煥妻凌氏蔡忠宸妻  
沈氏顧溱妾申氏生員施恩澤妻俱雍正十年詳  
具題 旌表

謝氏顧景榮妻張氏沈子愉妻張氏監生王用俊妻  
徐氏陳佩玉妻程氏宋之炘繼妻宋氏夏準妻錢  
氏吳自遠妻周氏生員馬熙妻陳氏談氏俱戶部  
員外郎沈曾頤妾王氏黃國祥妻孫氏黃國瑞妻

蔣氏顧漢臣妻曹氏王獻其妻張氏生員王時亨  
妻袁氏金彩貫妻翁氏生員龔鼎基妻俱雍正十  
一年詳具題 旌表

李氏毛誌震妻顧氏董本素妻沈氏江起崱妻楊氏  
陶天錫妻沈氏監生莊祖祐妻陳氏顧澧妻欽氏  
監生沈毅妻金氏顧璐妻顧氏盧天颺妻鄭氏容  
縣知縣葉之循繼妻俱雍正十二年詳具題 旌  
表

孫氏沈應祥妻宋氏陸諤妻施氏宋斌妻沈氏金廷



琇妻顧氏生員黃戴濤妻支氏楊元吉妻黃氏歸  
吉士妻周氏王慕溪妻顧氏徐引妻孟氏楊汝立  
妻李氏楊茂林妻周氏趙道濟妻張氏喻彩臣妻  
袁氏程仲詹妻李氏施廷正妻陳氏姚仁妻戴氏  
徐樹穀妻俱雍正十三年詳具題 旌表

呂氏朱文秀妻范氏州同知王鼎禮妻俞氏陸澄妻  
錢氏申玫妻朱氏程有椽妻蘇氏陳玉書妻邱氏  
陸尊三妻朱氏趙天錫妻張氏榮長升妻范氏程  
世模妻黃氏陸皦妻吳氏監生陸鎔妻張氏徐燾

妻張氏汪顯初妻唐氏生員顧宗周妻張氏申熊  
占妻黃氏謝履祥妻裴氏生員王烈妻何氏俞鄰  
天妻胡氏吳曦妻趙氏生員顧宗齡妻金氏監生  
高日華繼妻貞女蔣氏馬聖傳聘妻俱乾隆元年  
詳具題 旌表

繆氏殷是憲妻結褵三載夫故守節以媳而代子職  
事翁姑至孝姑歿哀毀骨立寢食俱廢無嗣幾不  
欲生翁乃立姪嗣宗爲是憲後氏卽恩勤撫養珍  
若已出平居不苟言笑操家勤儉常縞素茹齋及



歲時祭享品餼豐潔几筵展拜未嘗不涕泗滂沱  
人咸稱爲節孝乾隆元年詳具題 旌表


顧氏長洲生鼎榮女申壙聘室未婚而壙歿計聞哭  
幾絕欲往守貞母諭止之泣曰兒旣許申敢有他  
志夫雖亡終當往否有死而已父母親黨知志不  
可同許之於夫殮日往奉神主成婦禮嗣姪贊皇  
爲後時方五歲後教養兼至勉贊皇勤學午夜不  
輟氏篝火紡績以待計課程無闕許就寢率以爲  
常氏素弱力疾操作子勸少節氏曰爾聞敬姜言

乎彼有家者且然吾居貧何敢逸幼嫻詩禮見古  
史中孝友節義事手錄不置教子必及立身行已  
之大曰取科名止獲人爵君子所重更有在也古  
所稱女宗者氏庶幾近之

周氏太學生惇裕次女年二十一適許周德爲妻六  
載周德染血症歿氏欲殉死母諭以死易立節難  
當爲其難者氏識大義勉從之以事翁姑撫孤子  
爲重許本甫里故家至是中落時闕菽水氏瘁力  
女紅易甘旨事舅姑姑病衣不解帶者兩閱月姑



歿附身附棺脫簪珥以辦翁年七十八歿經營喪  
葬悉中禮節翁姑未歿時咸謂媳婦如此使吾老  
人相忘膝下無子衰門之幸多矣氏稱未亡時子  
炎方三歲旣長鼎以從善立行廉儉持家發聞於  
時不忘母氏勉爲其難之諭也生平布衣藿食中  
歲不夜哭終身不踰闔宗黨謂之知禮

貞女夏氏生員良士胞姊年十六許字  未嫁而  
夫浪遊不知所之歷十年不通音問夫家不忍女  
之迨吉失時也令蹇修持問名原帖還之女勵志

守貞義不再字依弟同居奉母至于白首從無怨  
言今年已五十有四距許字將四十年矢志守貞  
時亦幾三十年矣

宋貞女名景衛生員程樹聘室樹年二十一哭大父  
疾卒貞女聞變誓以死殉父諭以輕生不若守貞  
廼請歸守於程以明從一之義幼習禮工詩至是  
詩止不復作遇節烈事間借以發揮已志有西河  
陳烈婦詩六十四韻中云由來夫婦比君臣策名  
亦有未受職清風孤竹師夷齊商朝未祿周耻食



元利縣志 卷二十八  
讀者歎其可追配其妻之矢栢舟稱才與節兼者  
已初貞女請歸於程會父遠行未卽命往姑病亟  
貞女以不獲侍湯藥刺指血書疏籲天請減笑以  
代君子尤重其孝以爲不愧程生婦云

毛氏周勲業妻沈氏王宗賜妻王氏顧仁原妻周氏  
監生文岷瞻妻文氏吳天球妻江氏顧漢儀妻倪  
氏吳藩繼妻顧氏監生宋沅妻張氏丁僖妻陳氏  
徐國維妻馮氏褚維寧妻鄭氏褚維翰妻褚氏諸  
張筠妻杜氏榮大章妻黃氏監生陳樹璉妻金氏

楊時亶妻王氏沈大成妻姚氏州同知夏以璜繼  
妻顧氏長庠生張正儀妻王氏湯宜祚妻朱氏湯  
可立妻邵氏長庠生婁德培妻謝氏張湘湄妻馬  
氏顧奕世妻皆早歲夫亡家貧守節歷三四十年  
貞操彌勵允協題旌者也

沈氏胡光裕妻趙氏盛王立妻錢氏李九鵬妻錢氏  
張阮文妻李氏翰林沈世奕妻馬氏翰林沈朝初  
妻蔣氏莊玉署妻胡氏朱煒妻程氏郭欽文妻孫  
氏庠生張子燮繼妻陸氏顧衷妻施氏沈曾熙妻



俞氏沈曾熊妻陸氏庠生丁殿颺妻車氏凌燦雲  
妻張氏周之鑑妻潘氏湯子茂妻沈氏殷蟠逸妻  
張氏宋斗位妻朱氏張阼武妻尤氏朱元文妻李  
氏吳明山妻傅氏李天爵妻朱氏陳宗器繼妻黃  
氏鄒濬繼妻胡氏周維新妾郁氏王應星繼妻龔  
氏劉天來妻凌氏王豫公妻■氏褚士榮繼妻蔡  
氏殷尙臣妻吳氏朱承業妻陸氏王助妻錢氏蔣  
維垣妻許氏監生汪之濱妾貞女潘氏貞女李氏  
貞女馮氏皆守節年久合例於乾隆四年具題

旌表

褚氏沈鍾彥室事姑孝謹相夫勤儉家貧遭水旱升  
米三十文氏日作燭心千餘枝易米雜豆麥屑爲  
飯以精者奉舅姑自食其粗者時行診疫舉家孺  
染氏力疾侍姑病調湯藥候寒暖溲溺以手親治  
之一夕隣人見黑氣從沈氏墻垣中出逾時乃散  
明日家之病者俱痊人謂孝婦所感年三十一沒  
以子德潛貴贈夫人

朱氏顧希喆室年十四適希喆時姑已前沒遺四幼



叔三幼姑太舅與舅俱在堂希喆出主鄉塾氏掌家政奉太舅與舅甘旨爲叔娶婦嫁三姑及時殯葬太舅與舅無違禮中歲一子與夫相繼歿旋遭回祿室廬蕩盡氏與寡媳張氏躬親織紉撫育孤孫以長生平規言矩行嘻笑不苟里黨稱爲禮宗年九十七以終見曾孫成立生元孫云

陸氏宋兆鶴室相夫課子以忠孝訓家有江左禮宗之目以子貴歷贈恭人

孟氏宋勵業妻夫亡無子生一女撫姪爲子教之成

立女適士族事姑盡孝守節五十年乾隆五年題

旌

陸氏俞世瑄妻邵氏婁德培妻金氏楊直時妻胡氏許先登妻蔣氏褚敬儀妻王氏沈天祥妻顧氏孫楊妻王氏吳石安妻吳氏董方安妻胡氏何允修妻俞氏李鶴麟妻陸氏沈自新妻姚氏朱用甫妻馬氏朱慎修妻沈氏尹萬貞妻程氏洪令錫妻王氏朱瑞章妻張氏詹協和妻唐氏袁聖述妻朱氏丁啓元妻沈氏龔雲輔妻郭氏於忠基妻沈氏周



佩蘭妻王氏項德澍妻沈氏朱鼎妻陳氏樊越妻  
居氏華叔筠妻劉氏許七相妻錢氏王嘉秩妻黃  
氏陸禧妻何氏顧世演妻袁氏陳學永妻沈氏張  
天錫妻姚氏張天御妻欽氏鄭震炎妻趙氏劉奕  
芳妻周氏金顧炳妻滕氏王景登妻吳氏陸聖公  
妻陶氏黃穎妾郭氏陸雲問妻金氏陶岷思妾王  
氏顧宗孟妾唐氏徐成模妻陳氏吳綱章妻潘氏  
宋敷妻蔣氏李又常妻劉氏吳廷正妻周氏項壁  
妻支氏項元求妻王氏李慶生妻俱乾隆五年具

題 旌表

滕氏蘓綸繼妻曹氏許存仁妻胡氏尤道基妻金氏  
蘓瑞卿妻屈氏邢紹妻譚氏顧廷鉉妻章氏燭彩  
若妻吳氏陸沫妻施氏韓巖妻金氏朱瑞行妻陳  
氏朱文基妻華氏顧真若妻吳氏陳永銘妻李氏  
陸貞吉妻凌氏陳素臣妻沈氏張聖武妻李氏謝  
朝初妻朱氏謝球妻張氏王德明妻徐氏諸玉書  
妻吳氏王玉瓚妻朱氏丁懌妻王氏張晟妻屈氏  
石貢男妻陳氏俞順山妻徐氏周文順妻殷氏俞



仁吉妻錢氏朱學海妻徐氏邱景明妻林氏陸子琦妻王氏顧其旋妻丁氏吳廷佐妻吳氏孫天籥妻徐氏龔汝秩妻孟氏陸文勳妻王氏吳臨漢妾許氏文軌妻韓氏朱景周妻沈氏朱聖一妻徐氏迨君常妻王氏沈天叙妻金氏彭珍妻姜氏程廩年妻顧氏諸本侯妻顧氏王宗華妻鄭氏顧肇基妻馮氏徐桂妻吳氏殷古遽妻吳氏陸鶴翔妻王氏朱振玉妻俱乾隆六年具題 旌表

歸氏年二十適顧元培爲室敬事太姑舅姑宗黨稱

孝婦元培工詩文爲汪編修份張檢討大受所賞粵東學使翁嵩年知其名以幣聘時生子逋週歲親老子幼猶豫未決氏曰脯脩可供菽水山川可廣見聞仰事俯育子責也乃行在粵一年病歿喪歸氏號慟求死衆勸止不得舅曰夫行何言而忍死耶縱不爲我夫婦計獨不爲呱呱者計乎氏吞淚應家貧紡織易甘旨養親撫孤太姑舅姑疾躬調湯藥扶持抑搔及卒經營喪葬無違禮教子從一名師親益友勗之曰富貴吾不汝望望汝爲端人



正士繼祖父志吾他日得如尹和靖母受子善養  
足矣苦節五十七年乾隆七年題 旌以子永言  
貴贈安人

顧氏王文忠妻潘氏唐永麟妻錢氏陳天孫妻姚氏  
徐文德妻陳氏陸彥瑜妻宋氏范德元妻沈氏馬  
龍蟠妻沈氏徐鴻傳妻盧氏柳丕緒妻陸氏蕪寶  
田妻朱氏計以忠妻錢氏唐茂芝妻徐氏楊黼文  
妻陸氏王御祥妻陸氏劉漢妻徐氏陳天儀妻顧  
氏徐熙妻姚氏洪學濂妻蔣氏湯省三妻金氏費

誠所妻阮氏闕永受妻殷氏吳子常妻黃氏徐子  
視妻王氏顧祥宇妻俱乾隆七年具題 旌表

黃氏米殿臣妻鄭氏高岳妾薛氏王綸妻陸氏周惇  
妻吳氏管鑰妻黃氏朱允文妻沈氏嚴錦妻柴氏  
張國禎妻姜氏錢自昭妻陳氏汪學亮妻潘氏朱  
建侯妻吳氏章君耀妻陳氏夏賢妻俱乾隆八年  
具題 旌表

馬氏太學生顧漸側室夫亡遺二女一子子方四歲  
辛勤撫育以令成立教之極嚴不因愛姑息竭力



嫁二女與正室寡媳嫡孫同宅而居垂四十年和好無間終身不御采色曰此未亡人體也乾隆九年題 旌

陳氏畢永俊妻二十一結縭未兩月夫亡無子長齋禮佛誓無他志家極貧以辟麻易升米為生計守節三十年

朱氏儒童顧之翰妻二十五夫亡遺一子勤女紅以撫子年二十七家貧未娶以療疾歿氏一身熒熒依其弟以居守節五十餘年乾隆九年題 旌

張氏顧承家妻王氏蔣苓妻顧氏張寧瑞妻朱氏王端文妻王氏程錦榮妻蔣氏米世英妻顧氏吳用恥妻毛氏陳學潛妻吳氏方元龍妻陳氏方元龍妾王氏文明妻陸氏施紹衣妻徐氏趙申郊妻朱氏徐椽妻迨天徐機妻李氏顧瑞書妻俱乾隆九年題 旌

陸氏沈宏陞妻金氏朱琇妻朱氏韓爾卿妻朱氏王玉峯妻吳氏陸貽楠妻宋氏李致妻沈氏張衛師妻鄭氏程文綬妻張氏周南士妻張氏周南侯妻



一 蔣氏陳兆嘉妻張氏朱君順妻俱乾隆十年具題  
旌表

顧氏貢生彭遵儒妻年二十三而寡守節撫孤事姑  
盡孝年五十一卒乾隆十一年題 旌

王氏樊全德妻范氏顧壬植妻王氏唐濬妻王氏湯  
東侯妻吳氏陸一麒妻沈氏殷璿妻計氏陸觀澄

妻張氏朱紹文妻潘氏施琬妻謝氏施通元妻徐  
氏戴松年妻滕氏朱大樹妻汪氏李兆奎妻陸氏

李宏祚妻裴氏張珮聲妻王氏朱誌妻施氏韓我  
濬妻鄧氏金懋修妻陸氏張金純妻沈氏施愷妻

潘氏施琬妻華氏顧模妻俱乾隆十一年具題  
旌表

張氏沈禹錫妻江氏顧自任妻王氏顧添淶妻王氏  
馮時傑妻蔣氏王輝妻吳氏徐鑰妻周氏王君相

妻洪氏張鴻士妻汪氏戴有通妻顧氏丁孟葵妻  
蕭氏陳圻妻葉氏程有培妻吳氏張文俊妻鄭氏

全世德妻杜氏王珏妻錢氏周兆麟妻陸氏王受  
倉妻陳氏王受天妻江氏徐萬燾妻錢氏沈模妻



虞氏蘓茂佳妻施氏王己貞妻計氏徐彥明妻馬氏朱世乾妻莊氏沈旦初妻何氏孫善慶妻沈氏計學海妻陸氏申用寧妻陸氏李朱耀妻陸氏李鉉妻翁氏范漢雲妻李氏蔡王聘妻胡氏余文長妻俱乾隆十二年具題 旌表

吳氏陸志望妾李氏殷自天妻錢氏張鳳鳴妻韓氏湯萬熠妻謝氏顧令名妻楊氏徐子明繼妻張氏許宿發妻范氏金傑妻沈氏陸貽禎妻許氏徐深公妻戴氏徐仙劉妻俱乾隆十三年具題 旌表

何氏侍讀焯恩撫女本姓王明四川遵義縣王佐聖謚忠烈裔孫年十八適太學生顧偉甫二載偉以瘵疾卒無子號慟欲絕自是足不踰閩二十年孝養其舅侍舅疾衣不解帶舅卒盡哀禮鞠育幼叔爲娶婦生子嗣夫後乾隆十七年題 旌

吳氏陸元登妻十九歲而寡遺腹士龍賴十指撫育以繼宗祧卒年八十一乾隆二十四年題 旌

何氏張學堪妻邢氏張學洙妻乾隆十七年題 旌  
夏氏計國治妻馬氏楊震妻諸氏陸意齡妻乾隆十



八年詳題給匾嘉獎

程氏適州判汪元僚七年而寡代夫孝養舅姑姑病侍床席逾月夜不闔目鞠育三子一女爲婚嫁教其子敦行讀書有聲士林乾隆二十二年題旌

邱氏適監生吳永裕永裕歿事舅姑盡孝撫孤子成立守節三十七年乾隆二十五年題旌

顧氏年十八適監生錢廷熹舅姑前歿孝事太舅二十四夫亡氏躬親操作撫育孤雛太舅卒喪葬盡禮持身淑慎足不出戶外居家儉約延師教子不惜典揭以用三子皆成立爲士人守節逾三十年

樊氏庠生顧景度妻嫁時姑已亡事曾太姑太姑孝敬先意承志甘旨無缺扶持抑搔晨昏罔間以禮視躬居家節儉嫁三載夫病盡典嫁時奩具供醫藥卒不起號慟幾絕自是屏華飾安布素十二年未嘗踰闔人罕見其面無子撫姪爲子以勞瘁得疾歿

江氏適候補鹽大使費淞淞亡呼搶欲殉舅姑勸止之無子立侄承夫後撫之慈而能嚴三女教以禮



法姑病疽手爲除拭弗辭穢汚生母死經營殯殮  
爲安窀穸守節二十八年

王氏儒童曹文濬妻二十六而寡姑先歿事翁克盡  
孝敬紡績供甘旨教其子堂讀書爲士有聲藝林  
汪氏年十八適太學生蔣近光時近光已病篤結褵  
後卽侍湯藥衣不解帶甫逾月近光卒撫姪爲子  
孝事舅姑持家井井有條理未幾室廬回祿被燼  
無存氏辛勤操作銖積寸累爲子娶婦卜地葬夫  
爲姑營壽墳守節二十五年

貞女呂氏許配故民張鳳鳴爲妻鳳鳴未娶身亡氏  
年二十二歲聞訃守貞奔喪成服家極貧賴十指  
所出養姑孝敬終身撫孤侄以存宗祀長沙陳恪  
勤公鵬年守吳時奇其貞操書貞姿天賦以獎之  
守貞四十六年年六十七歿康熙六十一年題

旌雍正九年入貞節祠

侍講惠士  
奇有傳

貞女陸氏申密臣聘室未嫁夫亡聞訃投繯家人救  
援未死遂歸申門奉夫位結褵事舅姑曲盡婦禮  
撫伯氏子爲子舅姑歿喪畢泣曰吾今可以死矣



未幾歸寧母家乘間自縊死守節十年年三十三  
 貞女蔣氏重光女許字儒童陳鉅年十七鉅亡聞訃  
 女卽絕鉛華屏羅綺日夜飲泣其姑朱氏繼歿父  
 母憐其無依意欲他適女偵知匿佩陳氏聘時指  
 環伺有變更將自盡嫂徐氏覺之告翁姑憐其志  
 決越四年歸陳氏持身以嚴操家以儉補服夫與  
 姑之喪遠近重其冰操云

孝女彭氏廷光女性純孝乾隆二十五年冬父病篤  
 剜肉和藥以進每夜焚香籲天祈以身代及父病

革三日不食既殮入厨下取刀截喉而死殯於父

柩旁書其靈帛因待旌孝女許嫁張門彭女之位

貞女張氏儒童顧溥聘室乾隆五年題 旌

仰氏孝子朱之勸妻佐夫孝事舅姑色養承歡典鬻

襄葬巡撫喬世臣額獎宮詹習窩墓銘 見府志

貞女張氏儒童朱涵光聘室乾隆六年題 旌

貞女顧氏儒童李廷儀聘室乾隆八年題 旌

貞女葉氏儒童呂瑗聘室乾隆九年題 旌

貞女謝氏儒童顧長源聘室李氏儒童王長琦聘室



元利縣志 卷二十八  
俱乾隆十年題 旌

王氏祖球之繼妻年十九適球素性端淑孝事孀姑  
二十六歲夫歿給饗殮於十指婦兼子職撫孤塋  
親年六十八歲請 旌

張氏施聖培妻年十八而嫁以孝敬聞越四載聖培  
病歿氏哀痛幾絕念以身殉則傷垂白心乃嗣後  
撫之仰事俯育皆出十指中含辛茹苦歷三十餘  
年如一日乾隆四年隣火及廬不熱鄉黨咸稱節  
孝所感

金氏文學樹仁女陳燦庚妻燦庚力學病卒氏年二  
十六窮苦勤儉課子基泰基定讀書成立基泰多  
病屢危氏百方醫愈修築舅姑以上七代祖塚及  
族塚承辦族人墳糧以全硯山祖塋與夫伯樹瑛  
建九世祖明都御史璫專祠恭守均編致祭迎養  
孀母孟氏乾隆三十六年巡撫薩 題請建坊次  
子基定孝母勤學以嘔血卒聘室沈氏庠貢生日  
燦女年十九亦堅志守貞

沈氏沈大定女年十九適儒士朱鼎二十六歲夫故



撫孤念夢苦節三十七年而卒乾隆五年 旌媳  
 顧氏顧廣承女年二十一適念夢二十九歲夫歿  
 氏以太舅姑孀姑在堂忍死侍養姑病癱瘓便溺  
 日浣滌不辭迨歿喪葬盡禮歷節三十三載年六  
 十一歲請 旌

未旌節孝依蘓州府志例附載

申氏需童方普妻陳氏庠生施世然妻張氏孝子顧  
 延年繼妻蔣氏孝子顧載光妻楊氏錢某妻周氏  
 儒童沈文琰妻周氏儒童沈玉田妻徐氏太學生

蔣曾榮妻汪氏庠生莫讓妻朱氏莫啟賢妻張氏  
 石安國妻蔣氏石虞讓妻錢氏丁鵬妻朱氏候選  
 通判畢永仁妾錢氏副榜貢生顧義山妻陳氏太  
 學生朱之棟妻葉氏周宗尚繼妻葉氏廩生周亮  
 妻薛氏張兼妻陳氏顧馥妻羅氏潘彙一妻蔣氏  
 廩生宋祿綏妻邱氏郁學禮妻周氏儒童曹文洪  
 妻陳氏黃琛妻李氏胡鼎聲妻陸氏楊瑞鳳妻孫  
 氏顧士桂妻張氏庠生王虹文妻蔣氏吳濤妻陳  
 氏張璠妻貞女鄒氏徐春觀妻



元和縣志卷之二十九

二氏

二氏之徒儒者不道然其間固有嫻習文雅欲  
逃於儒又迹著荒幻而不乖於正者亦非君子  
所必斥也或產於吳或自四方而至地屬元和  
縣者皆得列焉志二氏

晉

竺道生鉅鹿人姓魏氏初入廬山幽棲七年後遊長  
安從什公受業關中僧衆咸謂神悟獨文字之師



以生為邪擯之遂來虎邱聚石為徒講涅槃經至  
闡提有佛性處曰如吾所說契佛心否羣石皆首  
肯之今虎邱有點頭石

闡道一晦處隱智人莫能知王珣兄弟深加敬事受  
知簡文帝後隱虎邱顏魯公詩登壇仰生一謂道  
生道一也

梁

餽餽尊者天監中住寶華山智顯禪院有卓錫峰又

住虎邱泉隨湧出名餽餽泉

今名憨憨泉

慧響姓懷氏吳興人天監中居虎邱不得甘泉乃俯  
地側聽得泉名虎跑泉

隋

智琰字明璨姓朱氏梁散騎侍郎獻之孫幼事通元  
璩法師授典過目成誦嘗遊都下與道安禪師齊  
名陳亡歸虎邱面巘壑者三十年楊素蘇威皆嘗  
駐節山中接其緒論煬帝鎮淮揚具幣招致琰恐  
累使者為之勉起及見辭疾歸既寂埋虎邱東寺  
智聚住虎邱東寺至德二年奉勅太極殿進講金光



明經天子嘉禮歸卧舊山開皇問璽書勞問寂後  
窆山之南

唐

瑗字~~辨~~常披一衲不計寒饑勤行精進嘗撰武邱  
名僧苑一卷注郁子兩卷文集三卷

清順尊者魏庠守郡奏改虎邱律寺為禪迎尊者至  
寺為開山祖後有圓悟禪師說法張魏公浚嘗有  
祭禪師文稱其法明正因超卓奇特真古佛語嗣  
紹隆得臨濟心妙大播東南住虎邱三年死葬山

後

遇賢姓林氏長洲人狀貌偉怪口容雙拳母初孕夢  
吞大珠少溺水泝流復還出家郡城東禪寺嗜酒  
呼為林酒仙醉則作詩時有天趣又能前知人禍  
福言無不驗有疾病者書符與之立愈郡中有虎  
患遇賢見之騎以出城患遂息一日渡江風濤大  
作舟將覆解袂綵為帆風浪便息郡守梅珣贈以  
詩曰出入常攜一古藤三衣粗重貌稜稜紅塵酒  
滿何曾醉知是僧中第幾僧明時藤杖與衣猶在



寺中

定欽定慧院僧與蘇長公相善公謫惠州嘗擬寒山十頌使其徒卓契順往惠州寄慰安否蘇得詩甚嘉之有曰語有璨忍之通而詞無島可之寒爲和八首初契順爲其師持書至惠且曰惠州不在天上行卽到耳投書徑還公問其所求答曰契順惟無所求故來惠州若有求者當走都下矣苦問不已乃曰昔蔡明遠鄱陽一校耳顏魯公絕糧江淮間遠載米周之魯公憐其意遺以尺書天下至今知有明遠今契順雖非明遠然區區萬里之勤倘可援魯公例得數字乎公遂爲書歸去來辭以遺之勒碑於寺

惠銓北禪僧佯狂垢汚而詩絕清婉嘗書西湖一山寺壁日落日寒蟬鳴獨歸林下寺柴扉應未掩片月隨行履唯聞犬吠聲又入青蘿去蘇子瞻愛而和之曰但聞烟外鐘不見烟中寺幽人夜未寢草露濕芒履惟應山頭月夜夜照來去

天紀磧砂寺僧與高安僧元至善至註周伯弼所選



唐人三體詩方萬里作序吳人謂之積砂唐詩

元

維則字天如俗姓譚氏永新人得法於本中峯本時住天目山之獅子巖至正初維則名其居曰獅子林識授受之原也與朱德潤交善時承旨趙子昂及行省平章買住屢薦入召問皆稱疾不赴所註有楞嚴會解淨土或問語錄別錄若干卷

明

水隆姓施氏尹山寺僧也洪武壬申四方沙彌給牒

京師者二千人悉籍爲軍時方旱禱雨隆因乞焚身以代之至雨花臺望闕再拜取辦香書風調雨順四字語中使曰爲我奏之旣焚雨卽大澍上喜曰此真永隆雨也籍軍得勳

妙聲字九臯景德寺僧博綜內外典兼善詩文主北禪寺洪武中與西白萬金同被召主天下僧教有東臯錄七卷

良琦字元璞吳郡人自幼讀書學禪白雲山中楊維禎云琦公旣究禪理亦通儒學能詩其餘技也住



天平山之龍門示寂於城東之孤雲庵

雪梅吳僧嘉靖中遊金陵踪跡竒異不拘戒律日湛茗飲問進酒肉寓報恩寺十餘年見法師據高座講經便笑曰亂說亂說偶出一語辨駁聞者汗下工詩文自序其詩以寒山拾得自况專修淨土講四書周易時有新理後住吳之東禪寺竹堂寺僧臘八十餘化

天際來自少林習武藝推第一手嘉靖中住虎邱敕賜金牌勦倭所至有功後欲予以官不受終老靈

巖山嗣玉庵亦傳其法盜至隨手而斃

妙顯長洲姚氏子削髮於磧砂寺初不讀書後漸明內典住葑門之化城庵養母盡孝既受儒者業講倫常性命之理曰佛教皆空只獨善一身必聖人之道真實可行也時大吏聞其名召問禍福曰僧所知者爲臣盡忠爲子盡孝未然之事未敢知亦不必知也予以金不受後仍歸磧砂年八十餘垂死謂其徒曰葬我須用儒家禮斷勿火化致旣死以後虧體辱親其徒從之

以上釋氏



唐

柳條青大中末乞食吳中嘗擊筇踏歌得錢輒飲好事者覓其踪終不可得閱五六年因大雪凍死於市市人具棺瘞於齊門之左每遇日出時塚上有紫氣高五六尺近視之無所見也後一年有處士皇甫顏者來訪之示以塚處皇甫持酒脯祭之發棺得青竹杖無他物表其塚曰谷隱柳處士墓自是不復有紫氣矣

宋

古無極居葑門道堂暑中開戶而眠蚊蠅不敢入扁其室曰小小蓬居以白堊塗四壁皎然如雪中設榻嘗出所攜瓢笛魚鼓等懸之以書一束爲枕自釀酒一瓮於牀頭人有求飲搖手弗許猫犬至卽俛首疾回無敢窺其內經年不見揮拂一塵不生未嘗出募於外而錢不乏疑其挾術逼問之笑而不言一夕撤去器物不知何往明日迹之葑婁盤閭四門人皆見其負籠荷杖出門去矣

元



金善信字實之長洲儒家子好老氏學父母嘗爲納婦有子矣後師事莫月鼎傳其術遂構仁壽觀日與徒研覈元旨其言以爲心神至虛無所汨沒諸陰消盡諸陽自集益有形者陽陽益勝陰氣益調精我得清淨去道無難矣薦於朝賜號宏道法師明

周元真字元初嘉興人年十二辭家入紫虛觀從李大無爲道士至正戊子年二十始來蘇住葑門外報恩道院元真能以符籙召鶴因名所居曰來鶴

軒洪武戊申李韓公迎元真致雨有應明年庚戌上召問鬼神情狀錫宴光祿又明年上召問雷霆所以神之故對曰天地之間陰陽運轉故有神神與人合者也上悅授領神樂觀事元真嘗修建安里橋於通衢繼主常熟致道觀復修丹井死葬莫月鼎墓次

裴慶性落魄嗜酒每卧人戶外日無醒時市兒時狎侮之不爲意偶至人家飲酒或有老嫗病卽自斷衣帶煮湯療之其卧處無雪時大學士夏言聞其



八和縣志 卷二十一  
名往見之慶堅不肯出夏遣人牽出連呼殺人夏  
不之悟也後果不免嗣真人張某朝京師道經吳  
門訪慶邀至舟中以裴仙稱且拜之慶南園人或  
傳盤門人

國朝

呂恣字貞九弱冠工文詞司李倪長圩攝郡篆值校  
士得恣卷竒其才置第一隨補學官弟子員未一  
年遭鼎革毀初服逃于黃冠衲衣草履遍遊峩崙  
黃巖諸名山晚歲絕烟火日採松花枸杞爲食終

于西山之草廬有詩文集若干卷倪司李爲序而  
傳之

李樸字天木一字紫中幼與施道淵亮生同學年四  
十辟穀晝夜不眠與人語隨機開示總期使人了  
悟善詩亦長畫順治乙未挂瓢於甫里之圓白堂  
庚戌秋無疾而逝學者謚爲冲白先生

唐老老者不知何許人也長鬚廣顙年五十餘若歌  
若哭被髮百結或作椎髻布被鶉衣蟻蝨滿席人  
與之錢不受饋之粟拜而受之常於冬月危坐長



洲學宮側鳴脚樹下卽以葦席數片栖而息焉煮  
一瓦鑊不食鹽蔬持一糝漆椀每食必拭數次聞  
其歌搯秦聲或曰唐藩之弟或曰魯府儀賓李長  
洲實李侍御模聞來叩之終日笑而不答終莫得  
其實也一日天大雪坐泮池側鑿冰解衣以浴視  
其體蓬蓬如釜上氣人疑其仙一夕襪被去不知  
所之以上道流

元和縣志卷之二十九

元和縣志卷之二十九

寺觀

像教西流化人東驚二氏興而梵刹琳宮幾遍  
區宇奉其教者遂奔走之若狂矣自古迄今雖  
迭見興替要與壇壝祠祀並存緣其徒以善果  
福德之說誘天下故集事易而功之終廢者鮮  
也爲存其建置夷燬之由附于攬古搜遐之例  
俾宰世軸者或得以考且以覘風教之盛衰焉  
志寺觀



東禪教寺在城東地三畝吳赤烏二年陳丞相宅池  
 中生瑞蓮遂捨為寺名鎮國院唐大中間敕改東  
 禪明覺寺宋建隆時異僧遇賢號林酒仙嘗居之  
 寺中有祠祠後有紅豆樹猶傳為遇賢手植云  
 寶光講寺在城東北隅鬱林太守陸績捨宅建門有  
 鬱林石初名鬱林石寺吳赤烏時郡守請額賜今  
 名至明洪武初開拓郡城廢為軍營始遷寺于跨  
 塘橋西今屬長洲縣鬱林石見吳寬記  
 北禪講寺在城東北隅利三畝晉戴顓宅唐司勳郎

中陸洵居此按吳郡志乾元寺唐有之今不知所  
 在然顧况撰乾元寺記有云晉高士戴逵子顓之  
 宅而皮日休陸龜蒙避暑北禪寺聯句亦云歛蒸  
 何處避來入戴顓宅則今北禪即古乾元寺也宋  
 祥符初賜名大慈中有大通閣觀堂元黃潛記雨花堂  
 禁蛙池

萬壽禪寺在城東利一畝晉義熙中西域僧法楷建  
 名淨壽院梁改安國唐改長壽宋大中祥符二年  
 丁謂奏改萬壽禪院崇寧中詔加崇寧尋改天寧



紹興中改萬壽報恩光孝禪寺為徽宗薦嚴之地  
 唐時僧貫休嘗居此休號禪月大師故寺有禪月  
 閣嘗畫十八羅漢像頗著靈異寺前周廣順中所  
 立尊勝石幢猶存吳越軍節度上柱國邵思寶周承禮等題名元末兵  
 燬明洪武間重建學士宋濂記嘉靖辛丑巡按舒汀改  
 為長洲學僧證果移佛像就寺之東結茨覆之仍  
 稱萬壽庵僧通泉變服南遊蓄貲矢復歸覓天宮  
 寺後基地依銀杏三株構講堂重門闕宮奉善財  
 伽藍二像挈其徒元炯道因居之稱萬壽禪財院

天宮寺在城東利一崙剏自晉末初名武平後廢為

民居唐景福五年光祿大夫許台捨宅僧了然建

改今名明正統九年僧宏演發地得二鐵像因剏

說法堂景泰辛未建大殿有碑記寺僧詩文著名者有聽源月江

印宗水知慧川萬峯元若歸繼登有七高僧傳

普福寺在城東北隅婁門路剏自晉朝後廢僅存殘

碑半截及土山銀杏三株大各二十圍順治初僧

遍雲普潤矢願興復走關東募緣時當積雪赤足

立雪中經旬不懈施舍輻輳癸巳歸吳恢復基址



鼎建大殿祖堂齋堂天王殿

宗伯韓  
葵撰記

靈鷲教寺在城東北隅亨一晷梁天監中僧永光建  
名永光寺又名東林院明隆慶六年大殿回祿崇  
禎三年里人潞安府募褚於仁重建僧守靜又募  
建藥師殿天王殿禪堂

廣化教寺在城東北隅後梁乾元三年諸葛氏捨宅  
建名崇吳禪院宋大中祥符元年改賜今額中更  
兵火淳熙二年都僧正清立善醫以所得藥資增  
建經樓宋景定間改為長洲學今為文忠烈公祠

雙塔禪寺在城東南隅唐咸通中州民盛楚建名般  
若院吳越錢氏改羅漢院宋雍熙中王文罕建兩  
磚塔對峙遂名雙塔至道初賜御書四十八卷改  
壽寧萬壽禪院紹熙中為提舉常平祝聖道場提  
舉徐誼嘗給以常平田嘉熙中重建明永樂八年  
僧本清重建康熙十五年里人唐堯仁捐資建夫  
王殿山門方丈禪堂法堂

定慧禪寺在雙塔寺西初名西方院本雙塔之子院  
也宋祥符中賜今額始貳於雙塔寺僧定欽與蘇



長公善公遊吳於竹下構嘯軒待之及謫惠州使其徒卓契順寄詩慰安公書歸去來辭以遺之明正統中勒碑于寺康熙初傾圮里人唐堯仁捐貲建大殿觀音殿重修彌勒殿

積慶禪寺在善教橋北宋開寶八年郡人盛名捨宅建僧法翌開山紹興間賜額元季兵燬明洪武初

僧普照永樂中僧永宗戒坦相繼重建

今名李王廟

靜德庵在城東北隅貞三音舊名報恩庵宋元祐中僧寂慶建

資壽寺

一云尼寺

在城東隅宋紹興間建有正法堂又有

磚浮圖靖康中邑人翁氏建

石像庵在城東北隅貞三音宋淳熙間僧清一墾地得石觀音像因建明萬歷初僧大千定蓮增建大

雲閣

鄭敷教記

光明庵在城南仁一音宋淳熙間僧永安建明萬歷中重修崇禎末燬康熙間僧咸益重建

圓通庵舊名通元在城南宋淳熙間僧原淨建

圓明庵在城東北隅宋嘉泰間建元至元癸未重修



大智寺在城東北隅貞一一畝宋端平元年萬戶姚八郎捨宅建僧本荃開山景定二年賜今額明洪武間汰去庵院存十二大寺大智與焉

崇慶庵

一名百花庵

在城東北隅亨四一畝宋淳祐八年僧

法冲建元大德間重建

普福院在城東隅元至元間浦氏荆建後廢僧覺證

重建

黃潛記

金井庵在城東北隅亨四一畝元至元間建後燬明洪武初重建

佛慧庵在城東北隅元大德十年僧法亮建造為北

禪寺子院

慈雲庵在東北隅元至大間瑞沙門開山明僧祖道重建

昭慶寺在城東北隅利一一畝元天歷元年宣政院阿

咱刺建僧懷壽開山至正元年復建旃檀閣

黃潛記

獅子林寺在城東北隅貞一一畝元至正二年僧維則

建則多聚奇石狀類狻猊故名十二年賜額菩提

正宗寺內有卧雲室立雪堂問梅閣指栢軒禪窩



竹谷諸勝溪壑深邃岩石玲瓏為一時絕境

歐陽元記

史官王彛有遊獅子林記

明嘉靖間為勢家所佔止存彌陀院

萬歷二十年僧明性具奏追復敕賜聖恩寺額藏

經全部重建普光明殿順治八年僧海翔甬東居

士陳大賢領眾重修建藏經閣乾隆二十二年

皇上南巡駕幸寺中

賜鏡智圓照匾懸三世佛前

天龍庵在城北利三畝元至正己丑僧惠慈建為北

禪子院明萬歷己酉郡紳繆國維捐貲僧廣乾重

修西構蘭陵祠東築橋浚池以為放生地

曇華菴在城東地三畝舊名東林菴元至正間僧圓

淨建

盧師菴在東南隅仁三畝明成化間都御史韓雍朔

建

萬壽菴在城東北隅貞三畝明嘉靖間廢萬壽寺為

學宮禪月山房僧真果移佛像就寺之東結茅覆

之千戶唐岳捨地剏菴嗣僧鷲峯募郡紳徐如珂

捐貲拓地建山門正殿禪堂香積準提閣



磐陀庵在城東地三畝明萬歷三十五年南溟僧性海創建後漸圯崇禎十五年郡紳申紹芳捐貲修

康熙九年燬辛亥僧原淨本易復建

普濟庵在城東地三畝原名茅塔堂士人金汝珂捨

別業建崇禎六年侍御顧宗孟重建榜有顧氏家

祠順治十六年靈岩僧洽化等重修改今名

慈航庵

一名青松庵

在城東仁三畝侍御顧宗孟捨建敦

請寧波僧無能設置慈航瘞無主屍骸順治八年

僧悅然募建大殿禪堂

內有碑記

三昧庵在城東北隅正三畝天啟間有老僧結茅為

庵康熙乙酉僧月林易以瓦屋顏今名壬戌鄧尉

僧天傑置庵後隙地建寮舍厨扁構三世佛殿

善慶庵在城東北隅貞三畝崇禎間僧大慧寂音建

杯渡庵在城北亨三畝明崇禎間僧覺支建

寄葉庵在城東北隅貞三畝明崇禎間僧等倫即祖

居改建康熙癸丑擴建大殿方丈禪堂及厨扁寮

舍山門又置庵後額田以半築基建大悲閣五楹

半為飯僧田



報本庵在城東南隅仁一畝明崇禎間重建康熙庚申冬織造副使胡士拔感神夢越明春得石像於封門接渡橋荒草中如所夢矢願捐修迎像於庵月聲庵在仁孝里道義街祀張中丞國維祁巡按彪佳塗邑侯必宏墓中丞天顏丁方伯思孔李邑侯念茲韓上舍馨尚書沈德潛有記

生生庵在城東地三畝百獅子橋東順治初庠生顧廷椿捨基僧繼文募建

壽星庵在城東南隅仁一畝康熙間僧法舟重建

以上城內

雲巖禪寺在虎邱晉王殉及弟珉別業也咸和二年捨建卽劍池分爲東西二寺會昌間毀後合爲一

宋至道中重建王隨記景祐中建御書閣葉清臣記紹興

中宋達建藏殿張浚記尋遭兵毀元至元四年僧普

明重建黃潛記明永樂初重修楊士奇記崇禎己巳冬大

殿文殊殿萬佛閣浮圖悉燬於火巡撫張國維重

建大殿順治初總戎楊承祖重建天王殿康

熙乙未大殿毀齏使李煦重建



聖祖仁皇帝敕賜匾額恭懸於寺

宸章煥爛山林梵刹亘古常垂光曜云額凡九俱見山阜

壽聖教寺在九都絲雲里半塘中有稚兒塢晉道生  
誦法華經童子死葬此義熙十一年商人謝本夜  
聞誦經聲且見墳生青蓮花事聞詔建塢名法華  
院宋治平間賜今額紹興七年重建元時寺僧善  
繼血書華嚴大部藏寺中明學士宋濂題跋今猶  
存

保聖教寺在二十都甫里梁天監二年朔建宋祥符

六年僧惟吉重建殿供釋迦旁列十八尊者神光  
閃耀形貌如生江南北諸郡佛像皆莫能及相傳  
為唐時聖手楊惠之所摹寺之西北有安隱堂歸有

光記

崇福教寺在三十一都尹山梁天監二年僧佐律建  
寺有澹臺滅明書院宋尹和靖慕其勝曾僑寓焉  
元末傾廢洪武初僧永隆駐錫嘗運巨木鳩工鼎  
新明季又圯康熙壬戌里人鄉飲賓顧士禎捐資  
重建



元利縣志 卷三十一  
慈報庵在二十七都梁天監二年僧戒真建宋祥符八年燬慶歷五年僧契高自錢塘來復建後燬明景泰六年承天寺都綱永端與弟自悟建

大覺教寺在二十七都大姚山梁天監間僧道邗建寺有東明子院頗幽勝

白蓮講寺在二十都甫里梁天監間創唐大中間修後爲陸龜蒙別墅祠堂在焉宋熙寧六年僧惟吉重建

永壽教寺在二十七都席墟陳山左唐大中十一

年刺史管洪捨宅建僧真悟開山內有普賢殿宋元符間寺僧海真悟繼重建明初傾圯宣德間僧正宗剏建大殿

五福庵在二十都唐中和間僧法智建

永慶庵在二十二都下雉濱五代廣順元年僧祖慶建宋建炎初瑞光寺僧懷秀重建永樂元年僧源湜再建

文殊菴在九都沈塘村宋至道三年僧智殊建爲金山寺下院明宏治間僧克修至能葺嘉靖間郡紳



陳鑿陸師道倡眾重建

王鏊記

金福講寺在二十六都周莊宋元祐間建淳祐二年周迪功郎更新之景定間敕賜金額嘉靖初燬僧秋壑慈念良能繼剏順治戊子總戎楊承祖捐俸修建

青蓮庵在九都石牛頭即古圓覺庵宋紹興三年僧本立建賜額明正統七年僧善璫葬母圓覺廢址旁即此建庵後漸圯順治十一年僧願如重建化城庵在葑門外葑四畝宋紹興四年僧普濟建明

積砂寺僧妙顯操行法河高嘗居此庵

佛慧庵在虎邱寺東宋初和興間僧無善建徑樹幽僻有鍾秀軒明僧默堂名其室曰簡默堂

積砂禪寺舊名延聖禪院既在二十六都陳河之北宋乾道間僧道源建詩僧天紀嘗註周伯弼所選三體詩名積砂唐詩中有大藏經板明永樂十五年僧智端重修建

普利庵在葑門外城渡橋北宋淳熙間僧永寧建明隆慶間僧廣成重建



元利鼎志 卷三十一  
接待教寺在婁門外

一名勝感寺

宋嘉定間僧淨梵建有

元音堂含暉樓挹清閣止息齋雲深處一掬軒松  
花室聽聞室明宣德間僧頓有中重修康熙間郡  
紳蔣德垓重修垓兄維城以良田五十畝捨之

崇福教寺在二十八都章練塘宋嘉定間僧德修建  
寺有靈山堂額係宋徽宗御書明永樂元年僧宗  
器重修建

清遠庵在二十六都周莊宋淳祐間建明初兵燹僧  
玉琳復興之萬歷中又燬崇禎十四年僧照音重

建

青蓮庵在二十九都宋咸淳二年建久廢順治十年  
僧物外募建

石牛庵在九都通國橋西宋咸淳六年僧志珍建初  
名卽山庵明萬歷二年僧維靜重建因庵前有石  
牛相傳唐時物更今名

法華教寺在葑門外斜塘宋僧用宣及其徒行遇建  
取半塘法華舊額爲名

馬庵在九都馬庵浜原名永福元至正二年僧天如



建

白椎庵在九都晉竺道生放生處元至正間僧慧觀建初名文殊庵明洪武間僧道衍駐錫其中更今名萬歷間僧湛明重建

楊安寺在閩門外楊安浜元至正間建明初漸圯正統間重修建

十方禪院卽永慶庵在周莊元戊子年僧志修建

澄庵在九都上津橋北明洪武間建萬歷三十六年僧天然重修

現瑞庵在葑門外二畝明宏治間僧清修建天啟七年僧照瞻重修

海慧庵在葑門外古石家滙東卽普利庵廢址明萬歷四年五臺僧如海購地建初名海會順治十二年僧濟巖改今名

梁香庵在巽字二畝明萬歷間僧寄浮建庵左向有廣孝阡係洪武三年設崇禎七年巡撫張國維給帖修復

仁壽庵在東十九都萬歷間中翰許元祐建



蒲庵在九都明天啟間僧慎獨建

接引庵在二十四都黃瓜涇橋內明崇禎七年士人  
龔允培爲僧淨雲建

戒幢律院在九都舊爲徐太僕西園子工部溶捨爲  
復古歸原寺崇禎八年興建改今名

甘露律院在閭門西半塘初僅一茶亭崇禎間僧淨  
起建經堂佛殿康熙九年藩司慕天顏復建殿閣  
卽庵前至西山廟橋官河爲放生池禁網攔淨起  
復有退居與院址相接名香岩庵

佛華禪院在九都彩雲里明崇禎十六年鄧尉僧宏  
璧建

海藏庵在東十九都本里人中翰許元祐梅花墅順  
治三年子孝廉元溥捨建

右僧坊

修真道院在城東北隅平江路慶歷橋南宋淳祐間  
道士李祖真建奏請賜額明嘉靖中道士石文獻  
拓址修建

回真道院在城東北隅苑橋巷宋咸淳二年道士沈



道祥建內奉呂祖像呂嘗自稱為回道人故名順  
 治己丑道士鄭秉中重修鄭敷教記康熙甲寅道士周  
 宏教建天倪堂

衛道觀在城東北隅貞二岳宋咸淳間綿州道士鄧  
 道樞游于吳得上官氏廢圃建明初頽廢宏治間  
 道士張復淳重修建初名會道嘉靖辛丑遷長洲  
 學於城東以觀在學後形家言此為學之外衛巡  
 按舒汀為易今名命有司重新之大學士嚴訥記  
 老君堂在城東北隅利三岳明萬歷甲寅松江朱國

盛建堂以奉垢仙劉真人康熙乙卯道士施道淵  
 重葺今為全真派居之

已上城內

善成道院在婁門外官瀆湖自唐初廢興不一康熙  
 壬子郡紳蔣德峻捐建斗燒閣道士吳昭科募緣  
 恢廢址凡維城復將間壁市房四間捨之

通明道院在下二十都甫里鎮之西張滙宋祥符間  
 建明崇禎末里人戴章甫沈養舟重建  
 澄虛道院在二十六都周莊宋元祐間建



龍井莊道院在葑門塘元至元間鄧道樞建明洪武間里人瞿漢卿修今爲僧舍名龍井庵

通神道院在陳墓鎮元天歷間建爲何蓑衣真人下院明正統間道士顧永和重建

崇福道院在婁門外元元統初道士周守仁建

報恩道院在葑門外明洪武初道士周元初建有來

鶴軒元初奉母苦行清修院旁其母林氏墓在焉

靈官廟在葑門外明初建康熙中道士陳慶雲重修

祐聖山居在九都二十九畝明宏治甲子道士楊道

常建康熙乙卯道士徐日清等復建斗姥閣

右道觀

普濟堂在虎邱山塘

育嬰堂向在元妙觀內因乳婦散處未便稽查乾隆

五年江蘓巡撫張公請

旨改置王廢基構數百廬聚居乳婦以便查察

錫類堂在結草庵前陞任郡守姚孔鈞修掩埋之政

以革火化陋俗詳 憲建置

廣仁堂在清真觀側先是邑善士費廷俞等倡廣仁



會爲有墳而貧不能葬者代營窆窆後遂買地觀  
旁建堂爲司會公所

永仁堂在虎邱山塘乾隆十七年善士張雲龍周振  
緒憐貧人無棺尸骸暴露募緣施棺暫借南濠水  
神閣居停請尚書沈公德潛主堂乾隆十九年中  
丞莊公有恭撥給山塘前巡撫韓公世琦祠旁隙  
地建堂韓祠久爲僧售他姓衆善士捐資贖出中  
奉韓公香火西建大門茶廳堂終未建乾隆二十  
六年布政司安公捐銀一百兩堂未克成諸善士

釀金爲會以建此堂規模宏敞榱桷煥然沈尚  
德潛爲記

三樂堂在東禪寺林酒仙房堂供文昌帝君像乾隆  
十二年里中好善者捐金修葺適中丞莊公有恭  
飭行各屬建惜字局知蘓州府劉慥檄行長元兩  
學王廷勗費天修議設於此兼行放生

臨海義莊在元邑九都二畝雙欄杆橋贈通議大夫  
戈元鑰初置田四百畝贍族臨終命其子候選州  
同黃鴻候選知府黃泳貢生黃濯候選知府黃湘



擴而大之乾隆庚辰黃鴻等續置田六百畝共一千餘畝創立規條族之貧獨無依及廢疾者計口歲給米三石六斗貧者自五十以外歲給如其數六十以外者兼給以布帛寡婦孤子加厚焉貧不能為子婚嫁者給銀二十兩其無父母者倍之貧不能殯殮者給銀十兩葬如之無力讀書者給以從師費莊中備十三經二十一史諸書有志者得以取閱遇考試量遠近給資習藝者歲給米三石春秋祭掃修葺墳塋纂輯族譜咸取諸此有餘則

貯莊以備水旱立莊正一人莊副一人司其出納建屋四十餘楹中設宗祠祀遷吳始祖堂而以贈通議大夫地憲配朔望集子姓展拜申辨禘以盡追遠之誠其制詳密周備可以惠宗族而綿世澤乾隆二十六年六月署兩江總督高晉江蘇巡撫陳宏謀江蘇學政劉鏞合詞以

聞田在本邑者十一畝二分五厘在長洲者七百五十四畝九厘三毫在吳邑者二百三十八畝九分八厘共一千零四畝三分二厘七毫

海陽義莊在乘鯉坊西有宗祠雍正九年候選員外



郎陶篠偕族從諸生尙濱等祀奉明蘇州衛千戶  
從征交趾鹹子關死事俊及篠父贈奉直大夫世  
魁置贍族義田一頃五十畝篠自捐田一千畝捐  
金千八百兩建祠三十三楹立莊正莊副司會司  
莊各一人按口而算計日而給喪葬婚嫁有助鰥  
寡疾廢有卹貯經史諸書許子姓能讀書者取閱  
月給膏火制與范文正公書院略同乾隆十五年  
總督黃廷桂巡撫覺羅雅爾哈善學政莊有恭合  
詞以

聞

田在本邑者三百九十四畝六分一釐四毫在長  
洲者九百八十二畝三分五釐在吳邑者四十八  
畝一分八釐共一千四百  
廿五畝一分四釐四毫

又元和舊與長洲共一官壇在葑門外近邑民周永  
奇捐助義塚四畝四分七厘六毫邑令張若熸詳  
請元和始另置官壇一所地在二十四都二十九  
畝受字圩附記於此







